



EUSKARAZKO UDALEKUETAN (D EREDUA) PARTE HARTZEKO DIRU-LAGUNTZA DEIALDIA

2021 urtea

Oltza Zendeako Udalak, Euskara Zerbitzuaren bidez, euskarazko udalekuetan parte hartzea diruz lagunduko du, beti ere, jarraiturik honako

OINARRIAK

LEHENA.- Deialdiaren xedea.

1.1. Deialdi honek xedea du eduki ludikoak, kirolekoak eta/edo naturarekin harremanetan egotekoak proposatzen dituzten euskarazko udalekuak, D ereduko ikasleentzat antolatzen direnak, sortzen duen gastua hein batean finantzatzea. Diru-laguntza hauek 2021. urteko aurrekontuko *becas campamentos de verano* diru-sailaren kontura joango dira. Xede honetarako, gehienez ere, 600€ erabiliko dira.

1.2. Deialdi honetatik kanpo geratuko dira, ordea:

a. Oltza Zendeako udalaren bidez, zuzenean zein zeharka, kudeatutakoak –baita Udalaren diru-laguntza jasotzen dutenak ere-, sartuta baitago jadanik horien kuotan udalaren diru-laguntza.

b. Txango eta bidaiak.

c. Udalerrian edo udalerritik hurbil egonda barnetegi erregimena eskatzen ez dutenak.

d. Salbuespen bezala, betiere ezinbestek bultzaturik, eskakizun bat edo gehiago betetzea galarazten duen arrazoirik balego –adingabearen gaixotasun kroniko e ezgaitasuna adibidez- Tokiko Gobernu Batzordeak diru-laguntza proposamena onartzea edo ukatzea erabaki ahal izanen du.

BIGARRENA.- Diru-laguntza eskatzeko baldintzak.

2.1. Honako baldintza hauek betetzen dituzten pertsonak eskatu ahaliko du euskarazko udalekuetarako diru-laguntza:

a. LH edo DBHko ikaslea izatea.

b. Oltza Zendeako erroldatua egotea, gutxienez, diru-laguntza eskatzen den data kontuan hartuta, urtebete lehenagotik, eta udalekua irauten duen bitartean.

HIRUGARRENA.- Diruz lagundu daitezkeen gastuak.

3.1. Diruz lagunduko dira D eredukoentzako antolatutako euskarazko udalekuak, h da, kanpo egonaldietan parte hartzea.

3.2. Haur/gazte bakoitzak udaleku bakarragatik jaso ahaliko du diru-laguntza.



Cód. Validación: 5P7L6RT2QXRRKX2X5E2TR6L2Y | Verificación: <https://ayuntamiento.oltza.sedelectronica.es/>
Documento firmado electrónicamente desde la plataforma esPublico Gestión | Página 1 de 8

3.3. Udalekuak 4 egun baino gehiago eta 15 egun baino gutxiago iraun beharko du, eta udako oporren garaian garatua izanen da.

LAUGARRENA.- Eskabideak aurkezteko epea eta lekua.

4.1. Eskabideak irailean zehar aurkeztuko dira eta Oltza Zendeako Udalaren eskabidea bete eta sinatu beharko da. Eskabideekin batera deialdi honetako bosgarren oinarrian ezarritako agiriak eta informazioa erantsi beharko da.

4.2. Eskabideak aurkezteko epea luzaezina da.

4.3. Aurkeztutako eskabidea deialdi honetan ezartzen diren baldintzak edo agiriak beteko ez balitu, eskatzaileari, gehienez ere, hamar egun balioduneko epe luzaezinean horiek aurkezteko eskatuko zaio eta jakinaraziko zaio, hori egin ezean, eskabidea bertan behera utziko zaiola, aldeztu aurretik eginiko ebazpena bidez Herri Administrazioen Araubide Juridikoari eta Administrazio Prozedura Erkideari buruzko urriaren 1eko, 39/2015 Legearen 68.1. artikuluan adierazten duen bezala.

4.4. Eskabideak Oltza Zendeako Udalaren erregistro Orokorrean aurkeztu beharko dira.

BOSGARRENA- Eskabidearekin batera aurkeztu behar diren agiri eta informazioa.

5.1. Eskabidearekin batera ondoren aipatzen diren agiriak eta informazioa aurkeztu beharko da:

a. Eskatzailearen edo legez ordezkatzeko duen aita/ama/tutorearen NAren fotokopia.

b. Familiaren diru-sarrera gordinak adierazten dituen agiria (errenta aitortpena).

c. Udalekua antolatzen duen entitateak izenpeturiko dokumentua, non hari buruzko baldintzak -iraupen datak, jardueren egitaraua edo liburuxka- eta asistentzia egiaztagiria azaldu behar diren.

d. Kuotaren ordainagiria (banketxeak egindakoa) non kostuaren %100 ordainduta agertuko den.

e. Diru-laguntza jasotzeko nahi den banku-libretako lehen orriaren fotokopia.

SEIGARRENA.- Eskabideen balorazioa.

6.1. Eskabideak ondoren adierazten den bezala baloratuko dira:

a. Kontutan hartuko dira familiaren urteko diru-sarrera gordinak (errenta aitortpena 507, 8810 eta 8808 laukitxoetako kopuruen batura ken 708 laukitxoko kopurua) eta familia unitatea osatzen duten pertsonen artean zatitu.

b. Diru-sarrerak ziurtatzeko, azkeneko Errenta Zergaren aitortpenaren fotokopia aurkeztu beharko da, edo, aitortpena egiteko beharra ez dutenen kasuan, hori adierazten duen Foru Ogasunak eginiko agiri bat. Hori aurkeztu ezean, eskatzaileak jasotako familiaren diru-sarrera gordinen Zinpeko Aitortpena aurkeztu beharko du, eta ziurtagiriek frogatu.

c. Aurreko guztiak aparte, eskatzailearen familiako diru-sarrera errealak frogatzeko Udalak beharrezkoak baiesten dituen frogagiri guztiak eska ditzake.

6.2. Diru-laguntzaren zenbatekoa, gehienez ere, 150 eurokoa izanen da eta ondoren baremo ekonomikoaren arabera banatuko da:



Cód. Validación: 5P7L6RT2QXRKX2X5E2TRSL2Y | Verificación: <https://ayuntamiento.oolza.sedelectronica.es/>
Documento firmado electrónicamente desde la plataforma esPublico Gestiona | Páágina 2 de 8

PCE <5.000 €	%60
PCE 5.001 € eta 8.000 € artean	%50
PCE 8.001 € eta 10.000 € artean	%40
PCE 10.001 € eta 15.000 € artean	%30
PCE 15.001 € eta 20.000 € artean	%20
PCE >20.000 €	%10

6.3. Beken eskaera urte batekoa izanen da, eta ematea baldintzatuta egonen da eskatu duen ariketa ekonomikoan Udalak duen aurrekontua izateari.

6.4. Edozein kasutan, eta aurrekontu izatearen arabera, Udalak beste irizpide batzuk aplikatuko ditu, behar izanez gero, hala nola eskatzaile kopurua eta bakoitzari egokitutako kopurua, kantitate horren banaketa proportzionala eta bidezkoa egin ahal izateko. Azken hau aplikatuz gero, egokitutako kantitatean moldaketak suerta daiteke.

ZAZPIGARRENA.- Eskabideen azterketa eta ebazpena.

7.1. Espedientearen instrukzioa Kultura, Euskara, kirola eta festetako Informazio-Batzordeari egokituko zaio, Euskara Zerbitzuaren txostena jasota.

Aurkeztutako eskabideak Euskara Zerbitzuak baloratuko ditu, eta honek ebazpen proposamena egiteko ofizioz burutuko ditu datuak zehazteko, ezagutzeko eta egiaztatze beharrezkoak estimatzen dituen jardunbideak.

7.2. Oltza Zendeako Alkateak erabakiko ditu jasotako eskaerei dagozkien diru-laguntzak

ZORTZIGARRENA.- Ebazpena emateko epea.

8.1. Ebazpena, gehienez ere, eskabideak aurkezteko epea bukatu eta bi hilabeteko epean emanen da.

8.2. Epe hori pasatzen bada inolako ebazpenik eman gabe, eskatzaileak eskabidea ezeztatua bezala ulertu ahalko du.

BEDERATZIGARRENA.- Jakinarazpena edo argitaratzea.

9.1. Kontzesio ebazpena parte-hartzaile guztiei jakinaraziko zaio eta bertan deiald egitaraua eta aurrekontu kreditua zehaztuko da, bai eta onuraduna, emanda kantitatea eta xedea. Ebazpena Oltza Zendeako Udalaren Iragarki Oholean argitaratu da.

9.2. Ebazpenaren kontra, bide administratiboa itxiko duena, errekurtsio hauetakor bat jarri ahalko da aukeran:

a. Berraztertze helegitea, egintzaren organo egileari berari zuzendua, hilabete epean, ebazpen hau jakinarazi eta biharamunetik hasita.

b. Administrazioarekiko auzi-helegitea, bi hilabeteko epean, ebazpen hau jakinarazi eta biharamunetik aitzina, Nafarroako Administrazioarekiko Auzien epaitegiari edo sail zuzendua.

c. Gora jotzeko helegitea, Nafarroako Administrazio Auzitegiari zuzendua, hilabete epean, ebazpen hau jakinarazten denetik aitzina.

HAMARGARRENA.- Diru-laguntzen ordainketa.

10.1. Emandako diru-laguntzaren ordainketa burutuko da diru-laguntzak ematen ditu



Cód. Validación: 5P7L6RT2QXRKX2X5E2TR5L2Y | Verificación: <https://ayuntamiento.oolza.sedelectronica.es/>
Documento firmado electrónicamente desde la plataforma esPublico Gestiona | Páágina 3 de 8

ebazpena egin eta biharamunetik kontatuta hilabeteko epean.

HAMAIKAGARRENA.-Datu pertsonalak babestea.

Eskatzaileek emandako datu pertsonalen tratamenduaren arduraduna Oltza Zendeako Udala da.

Datuen tratamenduaren helburua, diru-laguntzen kudeaketa bera da, deialdian azaldutako oinarriak kontutan hartuta.

Legezko oinarria, 2016/679 Araudiaren (EB) (interes orokorrarekin egindako misioaren betetzea) 6.1. e) Artikulua da, uztailaren 2ko Nafarroako Toki Administrazioaren 6/1990 Foru Legearen eta azaroaren 17ko 38/2003 Diru-laguntza Orokorraren Legearen arabera.

Aipatutako datuen ematea, Diru-laguntzen Legeak zehazten ditu eta maiatzaren 17ko 5/2018 Gardentasunaren Foru Legeak, informazio publikorako eta aginte onerako sarbide.

Datuak, apirilaren 4ko 12/2007 Artxibo eta Dokumentuen Foru Legearen eta ekainaren 14ko 51/2016 Foru Dekretuaren arabera gordeko dira.

Eskubideak: legez aurreikusitako suposizioetara sarbidea, zuzenketa, ezabatzea, eramatea, oposizioa eta mugatzea.

Informazio gehiago honako web gunean

<https://ayuntamientoolza.sedelectronica.es/transparency/8527b94e-7228-444e-9841-c9c0fb96711d/>.

HAMABIGARRENA.- Arautzeko legedia

Deialdi hau hemen azaldutako oinarrien arabera arautuko da. Agiri honetan esaten ez denaz ebazteko Diru-laguntzak emateko Oltza Zendeako Udalaren ordenantzari, Diru-laguntzei Buruzko azaroaren 17ko 38/2003 Lege Orokorrari eta uztailaren 21eko 887/2006 Errege Dekretuaren Araudiari begiratuko zaie.

Oltza Zendea, 2021eko maiatza



Cód. Validación: 5P7L6RTZQXRKX23E2TR6L2Y | Verificación: <https://ayuntamientoolza.sedelectronica.es/>
Documento firmado electrónicamente desde la plataforma esPublico Gestiona | P. 4 de 8